



Broj: Ž-SA-04-192/21

Datum: 12.05.2021.

GRAD SARAJEVO**Gradsko vijeće**

Hamdije Kreševljakovića 3

71 000 Sarajevo

Poštovani,

Ombudsmanima za ljudska prava Bosne i Hercegovine žalbom se obratio Hadžiahmetović Elvir i predmet je registrovan pod brojem Ž-SA-04-192/21. Žalbeni navodi ukazuju na navodna kršenja prava iz radnog odnosa u Gradskoj upravi Grada Sarajeva.

Ombudsmeni Bosne i Hercegovine su nakon provedenog istražnog postupka povodom ovog predmeta, shodno svojim ovlaštenjima, utvrđenim u članu 32 Zakona o ombudsmenu za ljudska prava Bosne i Hercegovine¹, uputili preporuku broj P-83/21 od 31.03.2021. godine Gradonačelniku Grada Sarajeva

1. Da poduzme neophodne mjere da se odmah izvrši Rješenje Ministarstva pravde Kantona Sarajevo, Upravni inspektorat, broj: 03-05-04-14436/20 od 10.12.2020. godine i otkloni utvrđenu povredu prava iz radnog odnosa;
2. Da u roku od 8 dana obavijeste Ombudsmene za ljudska prava Bosne i Hercegovine o realizaciji Preporuke.

Institucija Ombudsmena do dana sačinjavanja ovog akta nije zaprimila odgovor na preporuku broj P-83/21, od 31.03.2021. godine.

U skladu sa članom 32 stav (2) Zakona o ombudsmenu za ljudska prava Bosne i Hercegovine² ovom prilikom Vam ukazujemo na konkretan predmet u svrhu poduzimanja adekvatnih mjera i aktivnosti kako bi se preporuka Ombudsmena P-83/21, od 31.03.2021. godine ispoštovala.

Stiglo 13.05.21. na kućnu adresu

¹ Službeni glasnik Bosne i Hercegovine br. 32/00, 19/02, 35/04 i 32/06


² Član 32, stav (2): "Ako, jednom kada su preporuke date, predmetni organ vlade ne poduzme odgovarajuće mjere u roku koji je ombudsman odredio, ili ako ne obavijesti ombudsmena o razlozima njihovog nepoduzimanja, ombudsman može ukazati ministru odgovornom za taj organ ili najvišim organima vlade, na tok predmeta i na date preporuke. Ako ombudsman nakon toga ne dođe do rješenja u predmetu u kojem je po njegovom mišljenju bilo moguće naći pozitivno rješenje, taj problem bit će uvršten u godišnji ili specijalni izvještaj, pominjući imena organa vlasti ili službenika koji su zauzeli takav stav."

Pozivamo Vas da u što kraćem roku dostavite povratnu informaciju o radnjama koje ste poduzeli po prijemu ovog akta, a ne dužem od 15 (petnaest) dana.

S poštovanjem,

Ombudsmeni Bosne i Hercegovine





prof.dr Ljubinko Mitrović



dr. Jasminka Džumhur



Nives Jukić

U prilogu:

- Preporuka Ombudsmena broj P-83/21, od 31.03.2021. godine

Dostavljeno:

naslovu

1x u spis

1x podnosiocu žalbe



Broj predmeta: Ž-SA-04-192/21

Broj preporuke: 7-85/21


Datum: 31.03.2021.

GRAD SARAJEVO

Gradska uprava

Hamdije Kreševljakovića 3

71 000 Sarajevo



n/r gradonačelnika Grada Sarajeva

PREPORUKA

u vezi sa žalbom Hadžiahmetović Elvira

I – UVOD

Ombudsmanima za ljudska prava Bosne i Hercegovine žalbom se obratio Hadžiahmetović Elvir i predmet je registrovan pod brojem Ž-SA-04-192/21. Žalbeni navodi ukazuju na navodna kršenja prava iz radnog odnosa u Gradskoj upravi Grada Sarajeva.

II – ČINJENIČNO STANJE

Podnositelj žalbe između ostalog navodi sljedeće:

- da mu je gradonačelnik Grada Sarajeva Skaka Abdulah uskratio zakonsko pravo na korištenje godišnjeg odmora za 2020. godinu, kao i svih drugih prava koja iz tog proističu;
- da je članom 49. stav 1. Zakona o državnoj službi u Kantonu Sarajevo¹ propisano pravo državnog službenika na godišnji odmor;
- da je članom 11. stav 1. Kolektivnog ugovora za službenike organa uprave i sudske vlasti u Federaciji Bosne i Hercegovine² (u daljem tekstu: Kolektivni ugovor) propisano da dužinu i vrijeme korištenja godišnjeg odmora utvrđuje rukovodilac organa državne službe, u skladu sa zakonom, ovim Ugovorom i općim aktom o radnim odnosima;
- da je članom 14. Kolektivnog ugovora propisano da na osnovu plana korištenja godišnjeg odmora, rukovodilac organa državne službe donosi rješenje i uručuje ga državnom službeniku najkasnije 15 dana prije početka korištenja godišnjeg odmora;
- da je članom 19. stav 1. Pravilnika o radnim odnosima državnih službenika i namještenika u organima uprave Grada Sarajeva i Stručnoj službi gradonačelnika Grada Sarajeva, broj: 01-34-4965/17 od 05.10.2017. godine i broj: 01/04-30-3478/20 od 16.06.2020.

¹ „Službene novine Kantona Sarajevo“, br. 31/16 i 45/19

² „Službene novine Kantona Sarajevo“, broj: 03/20

godine, propisano da državni službenici u svakoj kalendarskoj godini imaju pravo na plaćeni godišnji odmor koji se koristi prema Planu korištenja godišnjih odmora za kalendarsku godinu;

- da je gradonačelnik Grada Sarajeva donio Plan godišnjih odmora za 2020. godinu, broj: 01/04-34-3354/20 od 08.06.2020. godine u kojem je u tački 2. utvrđen kolektivni godišnji odmor u trajanju od 20 radnih dana u periodu od 03. do 28. augusta 2020. godine;
- da se nakon donošenja Plana godišnjih odmora za 2020. godinu i izjašnjenja službi i uposlenika, krajem juna 2020. godine, pristupilo donošenju pojedinačnih rješenja o korištenju godišnjih odmora i dostavljanja istih zaposlenicima;
- da iako je njegovo pravo na godišnji odmor nesporno i na zakonu osnovano, nije dobio rješenje o utvrđivanju i korištenju godišnjeg odmora za 2020. godinu;
- da se dana 02.07.2020. godine obratio gradonačelniku Grada Sarajeva za dostavu navedenog rješenja, ali da zahtjevu nije udovoljeno.

U cilju utvrđivanja činjeničnog stanja radi daljeg postupanja u predmetu institucija Ombudsmena Bosne i Hercegovine je dana 18.02.2021. godine pozvala Ministarstvo pravde i uprave Kantona Sarajevo, Upravni inspektorat da izvrši usmjereni inspeksijski nadzor na navedene okolnosti, odnosno navode žalbe.

S tim u vezi, Ministarstvo pravde i uprave Kantona Sarajevo, Upravni inspektorat je dana 05.03.2021. godine instituciji Ombudsmena dostavio akt, broj: 03-05-04-852/21 od 26.02.2021. godine kojom se navodi da je u okviru nadležnosti ovog Inspektorata postupljeno po inicijativi Hadžiahmetović Elvira za vršenje inspeksijskog nadzora, te je u prilogu dostavljena kopija akta, broj: 03-05-04-14463/20 od 15.02.2021. godine u kojem je između ostalog navedeno sljedeće:

"...Shodno navodima inicijative za vršenje inspeksijskog nadzora, kantonalni upravni inspektor je pokrenuo postupak po službenoj dužnosti i dana 20.11.2020. godine, izvršio inspeksijski nadzor u Gradskoj upravi Grada Sarajeva. Inspeksijskim nadzorom izvršen je uvid u personalni dosije državnog službenika Hadžiahmetović Elvira, te su konstatovane sljedeće činjenice na zapisnik:

- *da rukovodilac Gradske uprave Grada Sarajeva državnom službeniku Hadžiahmetović Elviru nije donio rješenje kojim bi utvrdio pravo na godišnji odmor za 2020. godinu, u skladu sa odredbama člana 28., a u vezi sa članom 49. Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19),*
- *da je pomoćnica gradonačelnika za opću upravu i zajedničke poslove Grada Sarajeva Krajišnik Subha donijela rješenje državnom službeniku Hadžiahmetović Elviru, broj: 04-30-2581-8120 od 09.04.2020. godine, kojim je imenovanom regulisano pravo na korištenje godišnjeg odmora u trajanju od 11 radnih dana u periodu od 16.04.2020. godine do 30.04.2020. godine, u skladu sa Naredbom gradonačelnika Grada Sarajeva broj: 01/04-04-2427/20 od 30.03.2020. godine, državni službenik će koristiti 10 radnih dana drugog dijela godišnjeg odmora za 2019. godinu i jedan radni dan godišnjeg odmora za 2020. godine, dužina trajanja i termin korištenja godišnjeg odmora za 2020. godinu utvrdit će se naknadno posebnim rješenjem,*
- *da je, po izjavi Krajišnik Subhe, ovlaštenog, lica subjekta nadzora, na predmetno rješenje državni službenik Hadžiahmetović Elvir uložio žalbu,*
- *da je gradonačelnik Grada Sarajeva rješenjem broj: 01/04-30-3709/20 od 27.07.2020. godine ovlastio Krajišnik Subhu rukovodioca Stručne službe gradonačelnika Grada Sarajeva, da u ime gradonačelnika donosi pojedinačne akte koji se odnose na prava,*

dužnosti i odgovornosti državnih službenika i namještenika iz radnog odnosa ili u vezi sa radnim odnosima....

.... Shodno činjeničnom stanju utvrđenom na zapisnik od 20.11.2020.godine, a cijeneći citirane odredbe Zakona o državnoj službi u Kantonu Sarajevo, konstatuje se da Gradonačelnik Grada Sarajeva, odnosno, ovlašteno lice Gradonačelnika Grada Sarajeva Krajišnik Subha u momentu vršenja inspekcijskog nadzora nije izvršila obaveze propisane odredbama čl. 28. i 49. Zakona o državnoj službi Kantonu Sarajevo odnosno nije donijela rješenje, kojim će državnom službeniku Hadžiahmetović Elviru utvrditi pravo na godišnji odmor za 2020. godinu, u skladu sa odredbama člana 28., a u vezi sa članom 49. Zakona o državnoj službi u Kantonu Sarajevo. Radi uspostavljanja zakonitosti stanja u Gradskoj upravi Grada Sarajeva u predmetnom slučaju, kantonalni upravni inspektor postupajući u okviru svojih ovlaštenja propisanih odredbama čl. 124., 125. i 126. Zakona o organizaciji organa uprave u Federaciji Bosne i Hercegovine donio je mjeru kao u dispozitivu ovog rješenja broj: 03-05-04-14436/20 od 10.12.2020. godine, kojim se ovlaštenom licu Krajišnik Subhi, rukovodiocu Stručne službe gradonačelnika Grada Sarajeva, nalaže da donese rješenje kojim će odlučiti o pravu državnog službenika Hadžiahmetović Elviru na godišnji odmor za 2020. godinu, u skladu sa odredbama člana 28., a u vezi sa članom 49. Zakona o državnoj službi u Kantonu Sarajevo isto dostavi državnom službeniku, sa rokom za izvršenje od tri dana od dana prijema rješenja.

Nakon što je drugostepeni organ ministrica pravde i uprave Kantona Sarajevo, rješenjem broj: 03-01-04-2015/20 od 16.01.2021. godine, odbila žalbu Grada Sarajeva izjavljenu na rješenje broj: 03-05-04-14436/20 od 10.12.2020. godine, rješenje upravnog inspektora broj: 03-05-04-14436/20 od 10.12.2020. godine, kojim je naložena upravna mjera, postalo konačno i izvršno danom dostavljanja drugostepenog rješenja. Na zahtjev ovog Inspektorata, Grad Sarajevo, odnosno, ovlašteno lice Krajišnik Subha, obavjestila je ovaj Inspektorat da nije mogla pristupiti izvršenju rješenja glavnog kantonalnog upravnog inspektora broj: 03-05-04-14463/20 od 10.12.2020. godine, jer, kako navodi, da po molbi drugostepeni organ nije dao upute u pogledu izvršenja naložene mjere, znajući da drugostepeni organ ne daje upute u pogledu izvršenja naložene mjere.

Ovakvim postupanjem, ovlašteno lica Krajišnik Subha, koja u skladu sa odredbama Zakona o državnoj službi u Kantonu Sarajevo ima najveću poziciju državnog službenika — rukovodilac stručne službe koja bi trebala najbolje poznavati propise iz oblasti državne službe, podnosi molbu drugostepenom organu za pojašnjenje izvršenja naložene upravne mjere, što na ovaj način pokazuje odlučnost da ne postupi po naloženoj upravnoj mjeri, odnosno da donese rješenje kojim će Hadžiahmetović Elviru utvrditi pravo na godišnji odmor za 2020. godinu ili odbiti zahtjev, te istom omogućiti da putem djelotvornog pravnog lijeka zaštiti svoje pravo putem drugostepenog organa....”

III – RELEVANTNO ZAKONODAVSTVO

a) Ustav Bosne i Hercegovine

Član II Ljudska prava i osnovne slobode

1. Ljudska prava

Bosna i Hercegovina i oba entiteta će osigurati najviši nivo međunarodno priznatih ljudskih prava i osnovnih sloboda.

2. Međunarodni standardi

Prava i slobode predviđeni u Evropskoj konvenciji za zaštitu ljudskih prava i osnovnih sloboda i u njenim protokolima se direktno primjenjuju u Bosni i Hercegovini. Ovi akti imaju prioritet nad svim ostalim zakonima.

b) Zakon o Ombudsmenu za ljudska prava Bosne i Hercegovine³

Član 1.

1) Ombudsman za ljudska prava Bosne i Hercegovine je nezavisna institucija uspostavljena u cilju promovisanja dobre uprave i vladavine prava, zaštite prava i sloboda fizičkih i pravnih lica, kako je zajamčeno posebno Ustavom Bosne i Hercegovine i međunarodnim sporazumima koji se nalaze u dodatku tog Ustava koja će s tim u vezi nadgledati aktivnosti institucija Bosne i Hercegovine, njenih entiteta i Distrikta Brčko, u skladu sa odredbama ovog zakona

Član 32.

1) Ombudsmen može dati preporuke organima vlasti u Bosni i Hercegovini...

4) Kada, nakon razmatranja predmeta, ombudsman ustanovi da način na koji je zakon primjenjen vodi nepravičnim rezultatima, on ili ona može uputiti nadležnom organu vlasti u Bosni i Hercegovini preporuke koje bi dovele do pravičnog rješenja situacije predmetnog pojedinca.

IV – MIŠLJENJE INSTITUCIJE OMBUDSMENA ZA LJUDSKA PRAVA BOSNE I HERCEGOVINE

Zakonom o Ombudsmenu za ljudska prava Bosne i Hercegovine propisana su ovlaštenja Ombudsmena Bosne i Hercegovine, koja su prvenstveno usmjerena u cilju promovisanja dobre uprave i vladavine prava, zaštite prava i sloboda fizičkih i pravnih lica, kako je to zajamčeno posebno Ustavom Bosne i Hercegovine i međunarodnim sporazumima. Ombudsmeni Bosne i Hercegovine, u tom cilju, imaju ovlaštenja izdavati preporuke onim organima vlasti kada utvrde određena postupanja koja mogu dovesti do nepravičnih rezultata, nepravilnosti ili povreda prava.

Nakon uvida u relevantno zakonodavstvo i uzimajući u obzir zaprimljenu dokumentaciju u okviru istražnog postupka, Ombudsmeni konstatuju da su žalbeni navodi podnosioca žalbe u konkretnom slučaju osnovani.

Ombudsmeni Bosne i Hercegovine su, nakon provedenog istražnog postupka, nesporno utvrdili da je Upravni inspektorat Ministarstva pravde i uprave Kantona Sarajevo, odnosno upravni inspektor, dana 20.11.2020. godine izvršio inspekcijski nadzor u Gradskoj upravi Grada Sarajeva, te da je shodno činjeničnom stanju utvrđenom na zapisnik od 20.11.2020.godine, a cijeneći citirane odredbe Zakona o državnoj službi u Kantonu Sarajevo, **konstatovano da Gradonačelnik Grada Sarajeva, odnosno, ovlašteno lice Gradonačelnika Grada Sarajeva Krajišnik Subha u momentu vršenja inspekcijskog nadzora nije izvršila obaveze propisane odredbama čl. 28. i 49. Zakona o državnoj službi Kantonu Sarajevo odnosno nije donijela rješenje, kojim će državnom službeniku Hadžiahmetović Elviru utvrditi pravo na godišnji odmor za 2020. godinu, u skladu sa odredbama člana 28., a u vezi sa članom 49. Zakona o državnoj službi u Kantonu Sarajevo.**

³ "Službeni glasnik BiH", broj 32/00, 19/02, 35/04, 32/06

Rješenjem, broj: 03-05-04-14463/20 od 23.11.2020. godine naložena je upravna mjera ovlaštenom licu nadzora Krajišnik Subhi, rukovodiocu Stručne službe gradonačelnika Grada Sarajeva, da donese rješenje kojim će odlučiti o pravu državnog službenika Hadžiahmetović Elvira na godišnji odmor za 2020. godinu, u skladu sa odredbama člana 28., a u vezi sa članom 49. Zakona o državnoj službi u Kantonu Sarajevo i kojim je naloženo da isto dostavi državnom službeniku.

Nadalje, protiv Rješenja, broj: 03-0504-14463/20 od 23.11.2020. godine uložena je dana 03.12.2020. godine žalba, postupajući po žalbi prvostepeni organ donio je Rješenje, broj: 03-05-04-14436/20 od 10.12.2020. godine, kojim je naložena upravna mjera, kako je navedeno u dispozitivu rješenja. Protiv navedenog Rješenja uložena je žalba 24.12.2020. godine.

Ombudsmeni Bosne i Hercegovine ističu da je postupajući po žalbi, drugostepeni organ ministrica pravde i uprave Kantona Sarajevo, donijela Rješenje, broj: 03-01-04-2015/20 od 16.01.2021. godine, **kojim je odbijena žalba Grada Sarajeva izjavljena protiv Rješenja, broj: 03-05-04-14436/20 od 10.12.2020. godine, kojim je naložena upravna mjera, a koje je postalo konačno i izvršno danom dostavljanja drugostepenog rješenja.**

Na zahtjev Inspektorata, Grad Sarajevo, odnosno, ovlašteno lice Krajišnik Subha, obavjestila je Inspektorat da nije mogla pristupiti izvršenju Rješenja glavnog kantonalnog upravnog inspektora, broj: 03-05-04-14463/20 od 10.12.2020. godine, jer, kako navodi, po molbi drugostepeni organ nije dao upute u pogledu izvršenja naložene mjere.

Ombudsmeni Bosne i Hercegovine su mišljenja da je zabrinjavjuća činjenica konstatovana u navedenom aktu Ministarstva pravde i uprave Kantona Sarajevo, Upravni inspektorat *da ovakvim postupanjem, ovlašteno lica Krajišnik Subha, koja u skladu sa odredbama Zakona o državnoj službi u Kantonu Sarajevo ima najveću poziciju državnog službenika — rukovodilac stručne službe koja bi trebala najbolje poznavati propise iz oblasti državne službe, podnosi molbu drugostepenom organu za pojašnjenje izvršenja naložene upravne mjere, što na ovaj način pokazuje odlučnost da ne postupi po naloženoj upravnoj mjeri, odnosno da donese rješenje kojim će Hadžiahmetović Elviru utvrditi pravo na godišnji odmor za 2020. godinu ili odbiti zahtjev, te istom omogućiti da putem djelotvornog pravnog lijeka zaštiti svoje pravo putem drugostepenog organa.*

Ombudsmeni Bosne i Hercegovine ukazuju da inspekcijski nadzor, kao oblik upravnog nadzora, ima izuzetnu važnost pri provođenju cijelog niza propisa na kojima se temelji zaštita prava fizičkih i pravnih lica. **Neizvršavanje naložene upravne mjere, odnosno nepostupanje po Rješenju Ministarstva pravde Kantona Sarajevo, Upravnog inspektorata od strane Gradske uprave Grada Sarajeva dovodi do grubog kršenja vladavine prava i pravne nesigurnosti.**

Principi vladavine prava ukazuju na to da su organi dužni postupati na način kako je to prije svega propisano Zakonom i međunarodnim standardima za zaštitu ljudskih prava i osnovnih sloboda. Odluke organa i tijela institucija u Bosni i Hercegovine ne mogu biti u koliziji sa vladavinom prava, **te kod podnositelja žalbe ne smiju stvarati osjećaj pravne nesigurnosti, iz razloga što takvo postupanje za posljedicu u konačnici ima kršenje ljudskih prava i osnovnih sloboda.**

Imajući u vidu sve naprijed izneseno, u skladu sa članom 32. Zakona o Ombudsmenu za ljudska prava Bosne i Hercegovine, Ombudsmeni Bosne i Hercegovine, daju sljedeću:


PREPORUKU
Gradonačelniku Grada Sarajevo

1. Da poduzme neophodne mjere da se odmah izvrši Rješenje Ministarstva pravde Kantona Sarajevo, Upravni inspektorat, broj: 03-05-04-14436/20 od 10.12.2020. godine i otkloni utvrđenu povredu prava iz radnog odnosa;
2. Da u roku od 8 dana obavijeste Ombudsme za ljudska prava Bosne i Hercegovine o realizaciji Preporuke;

U skladu sa članom 33. Zakona o Ombudsmanu za ljudska prava Bosne i Hercegovine, ova Preporuka se dostavlja i žalitelju.

Dostaviti:
1x naslovu
1x žalitelju
1x u spis

Ombudsmeni Bosne i Hercegovine


Prof. dr. Ljubinka Matrović
Dr. Jasminka Džumhur
Nives Tukić

PRIMLJENO: 03 JUN 2021			
Org. jed.	Broj	Prilog	Vrijednost
02/2	GV-0	-59	3/21

GRAD SARAJEVO – GRADSKA UPRAVA
Elvir Hadžiahmetović, državni službenik
E-mail: elvir.hadziahmetovic@sarajevo.ba
Hamdije Kreševljakovića 3, 71 000 Sarajevo
Sarajevo, 03.06.2021. godine

Hitno!

GRADSKO VIJEĆE GRADA SARAJEVA
N/r predsjedavajući Jasmin Ademović

PREDMET: Preporuka Institucije ombudsmena za ljudska prava BiH P-83 - hitno postupanje, traži se

Poštovani,

Institucija ombudsmena za ljudska prava BiH dostavila je Gradskom vijeću Grada Sarajeva Obavijest o nerealizaciji Preporuke P-83, broj: Ž-SA-04-192/21 od 12.05.2021. godine, koju nije realizirao gradonačelnik Grada Sarajeva, na daljnje postupanje.

Navedenom Preporukom gradonačelnik je trebao poduzeti neophodne mjere na izvršenju Rješenja Ministarstva pravde i uprave Kantona Sarajevo - Upravnog inspektorata od 10.12.2020. godine kojim se ovlaštenom licu Krajišnik Subhi, rukovodiocu Stručne službe gradonačelnika Grada Sarajeva, nalaže da donese rješenje kojim će odlučiti o mom pravu kao državnog službenika na godišnji odmor za 2020. godinu, u skladu sa Zakonom.

Obzirom da državna službenica Subha Krajišnik kao ovlašteno lice nije postupila po Rješenju Upravnog inspektorata Ministarstva pravde Kantona Sarajevo, glavni upravni inspektor je cjelokupan spis predmeta dostavio Tužilaštvu Kantona Sarajevo na daljnje postupanje, kao i Uredu za borbu protiv korupcije i upravljanje kvalitetom Kantona Sarajevo.

Članom 14. Statuta Grada Sarajeva (Službene novine Kantona Sarajevo, broj 34/08 - prečišćeni tekst) propisano da će se nalazi i izvještaji Ombudsmena BiH razmatrati na nadležnim organima Grada Sarajeva po hitnom postupku, te će na osnovu toga biti preduzimane odgovarajuće mjere.

Shodno navedenom, tražim da me se pozove radi eventualnih pojašnjenja i odgovora na pitanja prilikom razmatranja navedene Obavijesti, odnosno Preporuke, na nadležnim organima Grada Sarajeva.

S poštovanjem,

Elvir Hadžiahmetović

Dostaviti:

- Naslovu
- Zamjenica predsjedavajućeg Mirela Džehverović
- Zamjenik predsjedavajućeg Dragan Stevanović

Prilog: Obavijest o neispoštovanju Preporuke P-83, broj: Ž-SA-04-192/21 od 12.05.2021. godine